

100

DISPUTATIO
De
LEGE NATURÆ, PRIN-
CIPIS PRACTICIS ET CONCLU-
SIONIBUS INDE DEDUCTIS, SYLLOGISMO
practico, Conscientia &c.
Cum quæstionibus annexis,

Quam

DE ODUCENTE ET DOCENTE
PRÆSIDE

M. HENRICO VELSTENIO,

Phil. moralis Profess. Publ. & p. t. Facultatis
Philosophicæ Decano,

Publicè defendendam suscipiet

JOHANNES Stille Rigæ-Livonus.

*Ad diem 9. Febr. in Collegij novi Auditorio magno,
horis matutinis.*

Martinus Chemnitius.

*Utilis est hæc collatio Legis & Decalogi, ut discamus amare & ma-
gnifacere sententias morales congruentes legi naturæ, ubicunq;
existant & legantur apud Poetas, Historicos, Philosophos, Le-
gumlatores &c. Quia sunt Jus divinum, & Veritas DEI divi-
nitus patefacta &c.*

VVITTEBERGÆ

Excudebat Johannes Gormannus 1610.

THESIS I.

Discamus, inquit D. Hieronymus, in terris, quorum scientia nobiscum perseveret in caelis.

II. Ex hoc rerum genere est & lex Naturæ: de qua nunc cōvōius & specialius: prout est notitia principiorum practitorum; non verò principiorum contemplationis & actionis simul: & quidem nec quoad Dei cognitionem & obedientiam legi Dei debitam, sed quoad modos civiles, unde oritur Philosophia Ethica, quæ explicatio legis naturæ ad bene beatę vivendum.

III. Istiusmodi naturæ legem à Deo mentibus hominum insculptam esse, ostendit omnium sanorum hominum Conscientia, quæ testis & iudex omnium factorum, Chemnit. part. 1. L. C. p. 47.

IV. Hanc legem Cicero vocat nunc Jus naturæ, propterea, quod humanis mentibus naturaliter impressa sit: nunc Jus gentium, quia omnibus hominibus latè per orbem sparsis est eadem: nunc Jus divinum, eò quod Deus legis hujus sit author: nunc Jus æternum, quod ejus norma sit constans & perpetua. Unde & Sophocles leges naturæ vocat ἀγράττα καὶ ἀσφαλή δια νόμιμα, hoc est, non scripta, firma tamen & solida Deorum legitima, ut quæ nemini unquam mortalium violare fas sit.

V. Aristoteles hanc eandem vocat δικαίον ἐμψυχον, ex quo omnis lex scripta vim suam mutatur: interdum λόγος: interdum Νόον; quas duas voces Cicero conjungens, ait: Lex illa, quam Divi humano generi dederunt, est ratio mensq;

sapientis, videlicet. radius quidam justitiæ divina in mente lucens; Nicolaus Hemmingius de lege Naturæ.

VI. D. Apostolus vocat veritatem Dei *Rom. 1. v. 18. Patefactionem Dei.* 19. ius Dei *v. 17.* Opus legis scriptum in cordibus in ipsa Creatione. *Rom. 2. v. 15.* Chemnitius parte 2. L. C. p. 262.

VII. Hanc magnus ille Germaniæ Magister Melanthon ita describit: Lex naturalis est notitia certa principiorum practicorum & Conclusionum inde deductarum divinitus nobis inlita, ut monstrat discrimen honestorum & turpium, & sit vitæ rector. In *Epitome Phil. Moral.* pag. 13.

VIII. In qua ἐννοεῖται notanda hæc quatuor. 1. Author. 2. Nomen naturæ. 3. Quod sit notitia. 4. Finis.

IX. 1. Author est ipse DEUS, qui eam mētibus humanis impressit, quæ divina legis hujus origo duo nos admonet. 1. Ut grati agnoscamus hoc beneficium, quod Deus non voluerit lucem legis totam exstinctam per lapsum, sed voluit reliquias quasdam superesse, ut possit esse consociatio politica inter homines, in qua DEVS per vocem Evangelij colligat Ecclesiam. Chemnit. par. 2. Loc. Com. pag. 262. 2. Quod, ut quicquid juxta hanc legem rectè sit, rectè fiat: Ita omnis legis hujus violatio non solum cum Natura, verum etiam cum DEO ipso pugnare videatur. Quare admodum rectè veteribus Philosophis Σειμαχῶν dicuntur, quicumque legis hujus limites perversè transgrediuntur: unde & Σειμαχοί, qui lege hæc sprete, pro sua vivunt libidine, dicti sunt. Hemmingius l. d.

X *II.* Naturæ nomen Epitheri loco ponitur, quo 1. monstratur legis hujus forma. Nam cum dicitur natura, significatur alia esse quàm scripta, ut illa ordine prior, hæc posterior sit: illa fontis rationem; hæc rivulorum habeat: illa causa sit hujus, hæc illius effectus existat. 2. Indicatur

catur vis quædam, quæ omni homini inest, hoc est, communis intelligentia, quæ virtutes in honestis, & turpia in vitis ponit. Id. d. l.

XI. III. Dicitur notitia, eaq; certa. Nam normale legis naturæ, neq; sunt opiniones ambiguae, neq; sententiæ ἀνὰ τὰ λη-
κτα, quæ percipi non possunt: sed sunt firma rerum expetenda-
rum & percipiendarum perceptiones, quæ firmâ assensione ἀ-
νευ τῆς ἐποχῆς Academicorum amplecti oportet. Idem l. d.

XII. IV. Finis legis naturæ triplex est. 1. DE gloria.
2. Externa disciplina, quam vult DEVS ab omnibus homi-
nibus etiam non renatis præstari. 3. Ut homines reddantur
ἀνὰ τὸ λόγῳ Rom. i. v. 20. Natura enim dicitur: DEVS est
Creator. E. colendus. Chemnit. parte 1. Loc. Theolog.
pag. 5.

XIII. Cæterum principia practica sunt, quæ per se nota,
& apud omnes immota, in bono communi radicata &
fundata, rationis interventu & adminiculo, conclusio-
nes, veluti ramos ex se gignunt, quæ ad radicem illam
& fundamentum communis boni reflectuntur & redu-
cuntur. Tilenius in syntag. p. 290.

XIV. Huiusmodi sunt: Honestè vivendum: turpe fugien-
dum: quod tibi non vis fieri; alteri ne feceris: Nemo ladan-
dus: suum cuique tribuendum: Quicquid sine detrimento
commodari potest, ut tribuatur cuique vel ignoto, ut sunt
comiter monstrare viam, non prohibere aquâ profluen-
te: Pati ignem ab igni capere: alterum ne laferis, alteri
ne prosis, parentes honorandi: pacta servanda: veritas co-
lenda, &c.

XV. Suntq; duplicia, Incomplexa & Complexa.

XVI. Incomplexa: Vt bonum, honestum, iustum, utile, ex-
petendum, fugiendum, malum, turpe.

XVII. Complexa : ut iusta sunt expetenda : iniusta sunt fugienda, honesta amanda.

XVIII. Conclusiones communes sunt, quas naturalis ratio ex principiis conficit, seu, quæ ex principiis per rationationem mentis existunt : itaque ex principiis suis demonstrantur, & vi principiorum suorum immutabilitatem obtinent.

XIX. Verbi gratia, principia practica sunt : 1. Iustitia colenda est, & nemo afficiendus est malo. 2. Deus est colendus. 3. Aequalitas servanda. 4. Vim vi repellere licet, &c.

Conclusiones inde deductæ sunt 1. Ergo iustitiæ procuranda adjumenta. Non furandum. Non occidendum. Non scortandum. Nihil, quo quisquam ledi possit, committendum. 2. Ergo Doctor advocans à cultu Dei, non est audiendus. 3. Frigopæna debet delicto respondere, & iusta malis hac admisso pro crimine pæna est, ut, quæ fecerunt, eadem patiantur & ipsi. 4. Ergo si vita nostra in aliquas insidias, si in vim, si in tela latronum aut inimicorum incidat, omnis ratio honesta est, expedienda salutis. Cic. in orat. pro Milone.

XX. Atque hæc etiam de principijs & conclusionibus inde deductis dicta sunt : nunc de Intellectu practico & conscientia aliquid addendum.

XXI. Intellectus practicus est, qui intelligit & ratiocinatur propter opus, ut agat & efficiat id, quod bonum esse intelligit.

XXII. Hujus duo sunt officia : Alterum à malis retrahere murmurando adversus ea : Alterum ad bona excitulare. Quod posterius propter naturam peccati fomite infectam languidius ille exequitur.

XXIII. Complectitur præterea sub se συντήρησις καὶ σωφροσύνη, quarum illa conservat noticias ingeneratas & mores gubernat ; hæc verò facinorum conscientiam.

Hinc

XXIV. Hinc oritur syllogismus practicus, cuius talis structura est. 1. Ponitur propositio *universalis, quam dicunt ipsa notitia nobiscum innata.* 2. Assumptio & Conclusio *a conscientia, h. e. Intellectu applicante, antegressam noticiam ad singulare per autem: quo tandem motus animus vel ad boni persecutionem vel ad mali fugam fertur, E. g. Saul habet hanc συνήθειαν & maiorem cordi insculptam: Deus irascitur homicidis, homines innocentes interficientibus, eosque ad poenas trahit certo certius. Conscientia subjungit & concludit. Atqui ego Saul interfeci. Ergo & Deus mihi irascetur, meque impunitum non dimittet.*

XXV. Ita noticiæ nobiscum natæ sunt: *quod tibi non vis fieri alteri ne feceris: vel quod alteri feceris, ab alio expectata.* Postea conscientia accusans hoc pacto assumit: *Tu alteri hoc fecisti.* Postea concludit. *Ergo ab alio hoc expectata.*

XXVI. Conscientia igitur est generalis cognitionis principiorum practicorum ad singularia, quæ sub actionem cadunt applicatio; sic appellata quasi cum alio scientia.

XXVII. Conscientia enim omnis scientiam presupponit. *Vbi ergo hac actio non est; nec illa erit. Vbi ista erronea est, & hæc talis fuerit.*

XXVIII. Quia autem illa principia practica & inde derivatæ conclusiones aliter atque aliter ad τὰ πρακτὰ accommodantur; varii quoque & discreti conscientiæ effectus sunt.

XXIX. Vel enim applicantur ad ea quæ fecimus vel non fecimus: & sic testis est *mille testibus certior.* Sic liber est *unicuique, in quo vel in virtus res suas gestas consignat.* Sic mala est *bestia, quæ facit aliquem stare contra se ipsum.* Et hinc & παλαιὸν αἱ λαοὶ καὶ οἱ ἄλλοι, quippe occultum gestat sub pectore *testem*

testem? Et: quàm difficile crimen non prodere vultu? quare:
Τὸρπὸς quid ansarius te sine teste time.

XXX. Vel ad ea quæ facienda sunt, vel ad ea, quæ bene & malè facta sunt.

XXXI. Si ad facienda: Sic ligare dicitur, *h. e.* ita construngere circa aliquod περὶ τὸν, ut in neutram partem possis ὁ περὶ τὸν licitè declinare. Sic contra conscientiam peccare dicimur. Sic secretam gannit akrem; Ne liceat facere, quod quis vitare agendo.

XXXII. Hoc respectu vel recta vel non recta dicitur. Recta, quæ noticiæ universales ad agenda rectè applicas. Non recta, quæ secus.

XXXIII. Eaquæ vel lata nimis, qualis in illis, qui nimis laxè judicant, sibiq. permittunt plus, quàm recta ratio dicat. Vel nimis stricta & angusta, qui contra faciunt.

XXXIV. Utraque & laxa & stricta vel est perturbata vel perversa. Illa est in eis, qui circa aliquam, propositionem Practicamitant; hac in illis, qui ἀδοκιμονὲν sensum reprobum habent.

XXXV. Si ad ea, quæ bene vel malè facta sunt: κατηγορεῖν & ἀπολογεῖσθαι acusare, recusare & removere, vel etiam excusare dicitur.

XXXVI. Hac ratione vel bona est vel mala.

XXXVII. Bona vel absolutè vel secundùm quid.

XXXVIII. Absolutè bona, quæ nihil prorsus mali sibi conscia est, qualis fuit in ἀναμαρτήτῳ illo Salvatore nostro. Talem homo, etiam justus, nemo habet,

XXXIX. Bona secundùm quid est in hominibus bonis & pijs jucundus & pacatus animi status, qui rectè facta comitatur, & consistit in tranquillitate mentis & læticiâ cordis, licet quandoque etiam culpâ nonnihil polluta sit,

*XL. Hac juxta convivium est, optima possessio δικαιοσύνης καὶ
πλεονεξίας & καλλίστη ἀπολογία, piorum gaudium, una rerum
incommodarum consolatio. Unde Bias interrogatus, quanam
res in vita metu careret? Respondit: Bona Conscientia. Et So-
crates quarenti, quanam tranquille viverent? respondit: illi,
qui nullius absurditatis sibi sunt conscij. Et Periander inter-
rogatus, quid in minimo esset maximum, oportune respondit:
Bona mens in corpore sano: Scilicet*

————— hic murus ahenus esto

Nil conscire sibi nullā palleſcere culpā.

Horat. l. 4. Epist. 3.

XL I. Mala est in illis

————— Quos diri conscia facti

Mens habet attonitos & surdo verberare cadit

Occultum quatiente animum tortore flagellum.

*XL II. Hac continua quadam febris est, ejusq; dolor longē acrior,
quā ut verbis exprimi possit: acerbior, quā ut tolerari queat:
illisq; magis extorquentur & excarnifcantur homines, quā si
vel terqueantur in tauro Phalaridis, vel in Nicteontis mortario
contundantur. Atq; hac animorū tormenta si tollere volueris ni-
hilo plus ages, quā si metum cervis, venenum anguibus, ti-
miditatem leporibus velis subtrahere.*

*XL III. Et licet hi homines, quibus hic vultur conscientia
jecur immortale rodit, faciem quandoq; hilarem & latam præ-
se ferant: interim non absimiles sunt statuis, quæ foris auro ob-
ductæ, intus araneis & inaniis opplentur: Neq; absimiles po-
mis, quæ specie pulcherrimæ nascuntur ad mare mortuum; si
verò aperiuntur, fumum exhalant & in cinerem ac pulverem
satisfiunt. Neq; enim fieri potest, ut is, qui in vitio & deli-
ciis versatus & jactatus fuerit, verè latari possit: Malorum
enim animus à seipso dissidet, secumq; discordat. 9. Eth.
c. 4. scilicet*

Omne nefas sequitur, nec habet mens conscia pacem.

*At, hac de lege naturæ Deum dixisse sufficiat : nunc quæ sunt
utrumque utilia & jucunda de hac materia superesse videntur, quæ
quibusdam dispiciemus.*

Quæstio I.

**An homo ab initio fuerit à Deo creatus
justus & sanctus ?**

Timptero l. 3. Empsyph. c. 1. p. 391. *satis est questionem
hanc in utramque partem ventilasse: Vera autem sit verior, alius ;
presertim Theologis judicandum relinquit. Caterum cum ad ar-
gumenta, quæ pro sententia affirmante afferri possunt, ex aliis o-
perose respondent, sicq; simpliciores quasi in suspensio relinquat,
certè veritatem questionis hujus non evolvere, sed involvere,
non asstruere, sed destruere, non illustrare, sed obumbrare
videtur.*

Pro negante sententia rationes affert hæc: 1. *Quia
Creatio hominis nihil aliud est, quam productio hominis, qua-
tenus est homo. Itcirco per eam homo à Deo accipit bona natura-
lia, non verò moralia.* 2. *Quia homo à Deo accepit per creatio-
nem liberum arbitrium, per quod indifferens fuit ad utrumq; op-
positum, ita ut potuerit, si voluisset, Deo vel obedire vel non o-
bedire, & sic fieri justus vel injustus.* 3. *Si homo ab initio fuis-
set creatus sanctus & justus, sine dubio obtemperasset legi divi-
na, de non manducando fructu arboris vesit.e, neq; ita facile in
peccatum prolapsus fuisset. Sed eventus contrarium testatur. Pro-
inde homo ab initio à Deo fuit creatus neq; justus neq; injustus,
sed talis qui potuerit fieri sanctus & justus, si modò liberum su-
um arbitriū voluisset determinare, non ad malum, sed ad bonū.
Idē docet è recentioribus Photinianis, Faustus Socinus Senē-
sis in præl. Theol. 6. c. 3. Inter Scholasticos etiam Doctores
dissensio est haut levis, quā ut Patres Tridentini indefinitam re-
linquerent, non dixerunt Adamum in sanctitate & justitia con-
ditum*

dictum, aut creatum aut factum, sed constitutum esse. VVittack.
de peccato Originis l. 1. c. 6. pag. 30.

Pro affirmante nos ex eodem Timplero & orthodoxis
Theologis nostris hæcce apponimus rationes: quas ejus
momenti & ponderis esse censemus, ut animi in hoc
dubitationis pelago, non præfractè & pertinaciter fluctu-
antem facile sistere queant. 1. Quia conditus fuit homo
ad imaginem DEI Gen. 1. §. 7. Sap. 2. §. 29. *Ergo sicut DE-
US est sanctus & justus; ita etiam homotalis ab eo fuit creatus.*
Quam in sententiam optimè Augustinus; Hic cum videret,
inquit, hominem ex limo terre ad imaginem DEI factum pædi-
culi ornatum, temperantia compositum, charitate circum-
datum, immortalitate vestitum, invidit statim insatiabilis ho-
miciða, eoq; nostros primos parentes illis donis ac tantis bonis
exspoliavit, insuper & peremit. (Excipis autem: Hominem
ad imaginem Dei dici creatum vel formaliter seu habi-
tualiter, quatenus facultate naturali intelligendi, & liberè vo-
lendi à Deo fuit præditus; vel finaliter, quatenus imaginem
Dei vite sanctimoniam & justitiã exprimere debebat? Respon-
demus. 1. Liberum arbitrium non formaliter constituisse in na-
turali facultate intelligendi ac liberè volendi: sed fuisse summã
concreatam perfectionem, nempe totius hominis, omniumq; in
eo virium animæ & corporis integritatem atq; conformitatem,
quã congruebat cum Deo archetypo; In intellectu quidem sa-
pientiam & lucem agnitionis Dei; In voluntate justitiã &
cum lege ac voluntate Dei pulcherrimam Harmoniam; In cæ-
teris deniq; facultatibus, animæ, membrisq; corporis re-
ctitudinem, ad normam divinã mentis rectissimè congruentem:
Hunnii Tom. 1. disp. Marpurg dis. 6. 2. Si fuit homo con-
ditus ad Dei imaginem, ut eam justitiã & sanctimoniam expri-
meret, utiq; justitiã & sanctimoniam cum jam tum præditum fu-
isse, tam manifestum est, quàm manifestissimum.)

II. Quia homo factus est à Deo rectus seu integer, Eccle-
cles. 7. v. 30. & ante lapsum vixit in statu innocentie. Incipit
iterum distinguendo inter bonitatem naturalem & moralem.
Respondemus & bonitatem istam moralem in statu integritatis
primo homini tam naturalem fuisse, quam fuit ipsa natura &
& forma substantialis per creationem accepta. Hic naturale,
inquit Goclenius quæst. Ethicæ 54. Non opponitur morali:
sed hac distinguuntur tantum ratione. Morale bonum est Ada-
mo naturale, quia non comparavit virtutem crebris actionibus.)

III. Denique Apostolus Paulus Eph. 4. §. 24. expressè scri-
bit, primum hominem juxta Deum conditum esse in ju-
stitia & sanctitate veritatis. Hinc ita colligimus, 1. Qui con-
ditus in justitia & sanctitate veritatis, necessarium est ut sit
justus, sanctus, Cui n. abstractum eidem & concretum tribuen-
dum. Et omne dici requirit inesse. Atqui Adamo in statu inte-
gritatis justitiam & sanctitatem scriptura attribuit. E. 2. Si ju-
stitia & sanctitas in corrupta & lapsa natura sunt instauranda
& renovanda; consequitur novus integrasq. fuisse in stante &
integra natura atq. ex primogenita imagine, ut solent acciden-
tia, ex substantiis suis confestim emicuisse.

Ad rationes pro contraria opinione allatas responde-
mus: & quidem ad primam: 1. Per inversionem: Si crea-
tio fuit productio hominis quæ hominis: utiq. etiam per eam &
justitiam & sanctitatem accepit, quippe qua ad hominis, quæ
hominis, integritatem, tum omnino pertinebat. 2. Ipsa DEI
imago, ut reliqua bona moralia, justitia, sanctitas &c. primo
homini planè naturalis fuit.

Quoad alteram 1. Negamus hunc finem fuisse liberi arbi-
trij, ut per illud vel obediendo demum justus, vel non obediendo
injustus fieret: sed potius ut homo, qui justus jam erat (quippe
in sanctitate & justitia jam tunc conditus) vel in bono persevera-
re per obedientiam, vel transgressionem mandati se ab illo averte-
re posset. Ecclesiast. 15. Hunnius in tract. de lib. arbitrio &
statu.

statu hominis ante lapsum. 2. *Neg. in sensu alternato propria liberi arbitrij actio est, vel eligere vel averseari bonum: vel eligere vel fugere malum: sed bonum semper eligere & malum odisse proprie ad liberi arbitrij conditionem pertinet, Dn. D. Hutterus in explic. Form. Concord. pag. 141.*

Ad tertiam rationem dicimus, 1. *Non hominem tantum in justitia, & sanctitate, secundum Deum conditum: sed simul etiam in libertate arbitrij, positum fuisse, ut vel in bono perseveraret per obedientiam vel transgressionem mandati, se ab illo avertere posset.*

2. *Eandem sequela inferri posse, ne quidem ad imaginem Dei hominem conditum fuisse. Ecquis autem tam perfrecta frontis, ut contra tam expressa scripturae testimonia illud inficias ire possit, aut velit? Quin ergo ex hisce primum hominem in justitia & sanctitate conditum fuisse, hic jam conclusum & determinatum esto.*

Quaestio II.

An notitiae istae practicae sequantur hominis naturam praecise in se sine imaginis divinae respectu consideratam: an verò sint imaginis illius superstites scintillulae?

Ita se res habet: Forma dat esse rei: est λόγος τῆς οὐσίας. Arist. 1. Phys. c. 7. text. 69. & 2. Phys. c. 3. t. 29. & solis reliquiae naturae rei definiri non potest. V. G. Monstratis Babylonis & Jerosolymae ruderibus & ruinis, non apparent ipsae civitates, quae olim fuerunt splendidissimae.

Ergo si christi cum Spiritu S. loqui velimus, dicendum est, Imaginem Dei peccato primi hominis penitus amissam esse. D. David Rungius in disp. de imagine Dei, th. 67.

Interim si 'de principiis naturae notis' agitur, qualis ea in homine ex sententia Apostoli Rom. 2. v. 15. reliqua

reliqua sunt, agitur, asseverimus cum Orthodoxis nostris Theologis eas esse imaginis Dei aliquam particulam, tanquam praestantissimi aedificij quasi rudera quadam. Idem l. d. Sacra enim Scriptura discretè affirmat primos homines post lapsum agnovisse vocem Dei, timuisse, quòd nudi essent, abscondisse se à facie Ichorae, nec non meminisse dictorum & factorum Dei & de discrimine honesti & turpis orationem meditados fuisse. Proinde huc referendam esse censemus istam Origenis sententiam in 26. c. Gen. Hom. 14. Filius Dei pictor est huius imaginis: & quia talis ac tantus pictor est, ejus imago obscurari per incuriam potest, deleri per malitiam non potest: Manet enim semper imago Dei in te, licet in tibi ipsi superinducis imaginem terreni. Et rectè Osiander in cap. 17. Actorum Apostolic. Et si inquit, humanum genus per peccatum depravatum est: tamen quia adhuc habet rationem, memoriam, Intellectum, voluntatem & quia dominatur alijs creaturis, profecto particula aliqua adhuc reliqua est de imagine Dei: quàm homo omnibus alijs creaturis praestat ita ut quandam (sic dicenda) cognationem cum DEO habeamus.

Addopræterea & hoc: Hominem duntaxat quadrupliciter considerandum esse, nempe. 1. In statu integritatis ante lapsum. 2. In statu peccati post lapsum. 3. In statu restorationis per Christum. 4. In statu post mortem. Hunnius de libero arbitrio. Ergo homo quàm homo, hoc est, in puris suis naturalibus considerari non potest, quoniam nunquam talis extitit, nec etiam unquam talis exister. Dissentiunt Romanenses nostri, qui sex status hominis comminiscuntur, ut videre est apud Pererium l. 5. in Genesin disp. 3. de excellent. hominis.

Quest.

Questio III.

An ergo Adam & Eva generando propagârint
in posteros similes noticias, quæ etiam-
num vigeant?

Respondet Petrus Martyr, in volumine tractat.
Theolog. l. 7. de lege DE I p. 174. reliquias prioris DEI
imaginis non à Deo propagatas, sed à Deo pro sua boni-
tate restitutas, & denuo insitas esse nostris mentibus,
Rationem affert hanc: *Si essent reliquie illius imaginis
per Adamum propagate, aut male essent, aut ad substantiam
naturâq; hominis perinerent. Ab Adamo enim non accepimus,
nisi & quæ ad constituendum hominem sunt necessaria, & ma-
la, id est, peccata & misérias. Atqui neque ipsa lex natura
mala est, sed optima res. Probat enim, quæ bona sunt, & ma-
la improbat, consentanea est cum lege Dei scriptâ. Neque
etiam ad substantiam naturamq; hominis perinet. Nam
etiam sine hac lege Nature homo non desineret esse homo.
Sic iste.*

*Allystaturne; innasci quidem nobiscum faculta-
tem & habilitatem ad comparandam cognitionem
principiorum; non autem ipsam cognitionem, quæ de-
mum persensus & deductionem Dianoeiticam acqui-
runtur. Quo nomine Fridericus Beemhusius in Log.
Rami c. 3. l. 2. Animus, inquit, noticias rerû necessarias & u-
niversales, non informatas à natura ipsa capit; sed colligit
facultate intelligentia naturali & ingeneratâ: ut oculis co-
lorum species ex utero matris non attulit; sed facultatem natu-
ralem omniacolorata cernendi: Ita generalium & necessariò
universalium noticiarum non est, habitus; sed dâruptus fa-
cultas animis nostris naturalis est.*

Denique

Denique Orthodoxi nostri Theologi non dicunt
duntaxat : sed & ipsam ~~in~~ harum noticiarum nobiscum
nasci pronunciant : adeoque noticias hasce non in se-
cunda ; sed prima specie qualitatris locandas esse volunt.
Rationes apponunt. I. *Adam genuit filium Seisbam ad
imaginem & similitudinem suam.* Atqui Adamus retinuit ali-
quas divine imaginis reliquias habitualiter sibi inscriptas, nec
aliunde acquisitas, ut constat ex questione antegressa. Ergo
etiam dubium est nullum, quin Adamus similes noticias, quas
ipse post lapsum retinuit, simul etiam in posteros propagarit.

II. *Quale fuit totum, talis etiam est pars de toto residua,
si præsertim sit homogenea.* Atqui tota imago DEI non
erat divinis mera, sed habituale & connaturale donum.
VVittakerus de peccato Originis. l. i. c. p. 31. Ergo pars
de imagine residua habitualis & connaturalis quadam qua-
litas. Fuit enim imago Dei totum non heterogeneum ; sed ho-
mogeneum.

III. De hac ingenitâ noticia loquitur Apostolus Ro-
man. 2. cap. v. 14. *Cum gentes, quæ legem non habent, natu-
râ quæ leges sunt faciant, ipsa legem non habentes, sibi ipsi sunt
lex, ut qui ostendant opus legis scriptum esse in cordibus suis, si-
mul attestante eorum conscientia & cogitationibus mutuo sese
accusantibus aut etiam excusantibus.* His verbis vult evin-
cere Apostolus omnes homines esse transgressores legis Dei, ne-
que eximi illos, quibus lex Dei voce vel scripto non sit tradita,
cum legem non habentes sibi ipsi sint lex & c. ut sint in iudicio
Dei ἀναπόλογτοι. Iam si discentes tantum intellexeris, re-
liquos ab annis disciplina remotos, ex numero peccatorum exclu-
di manifestum est. Hoc cum principalem statum Apostoli per-
vertas, interpretationem arguit perversam ; Ideo, non tan-
tum de illa legis noticia agit, quæ ratiocinando comparetur
vel discatur, sed de tali, quæ omnibus omnium ætatum homi-
nibus

nibus communis sit. Plura vide apud magnum istum Chemnitium parte 1. Loc. Com. Theol. c. 1. q. 3. Et apud Hunnium & Rungium in caput 1. & 2. Epist. ad Rom. Et Schröderum in opuscul. de Theol. principiis l. 2.

Ad rationem Martyris respondemus, multa & egregia corporis atque animi bona ab Adamo nos accepisse, quæ egregia Dei dona. *Accepimus ab eo naturalem vim loquendi, inveniendi, disponendi & judicandi, sive in simplicium notionum compositione, sive in discursu rationis syllogistico aut methodico, facultatem numerandi, mensurandi, considerandi & contemplandi totum hoc universum, ejusq. pulchritudinem, ordinem, varios usus, celestium corporum motus, &c.* At tantum absit, ut hac in malis ponamus, ut etiam in peccatoribus & quolibet homine malo hæc tanquam insignia Dei dona agnoscamus & admiremur. Johann. VVincelmanus in disput. de carne & Spiritu. *Et proinde non infimum divina benignitatis argumentum est, quod etiam post lapsum istiusmodi noticias in hominum animis superstites esse voluerit, quæ licet ad res spirituales & æternam salutem nostram concernentes parum faciant; ad res tamen civiles & practicas plurimum momenti conferunt.* Ex thesi 9.

Quæstio IV.

Quare leges Naturæ certas & immutabiles esse oporteat?

Legum naturalium immoram certitudinem sæpius evicimus: nunc certitudinis hujus & immutabilitatis causas inquiremus. Prima sit hæc: *Quia ipse natura auctor Deus opt. max. leges naturæ seu vestigia æternæ suæ legis nostris mentibus impressit. E. quæ non mutabilis est illa lex in men-*

te Dei aeterna: tam etiam lex natura est immutabilis, adeo ut nec abrogatione tolli, derogatione minui, dispensatione quavis-
am obligatione ejus eximi possit. Quo nomine magnus ille
Melanthon gravissimè: Non solum, inquit, ut lumen in o-
culis manet idem, donec natura hominis manet incolumis: ita
noticia naturalis manet eadem in mente: sed major adhuc ejus
est firmitas, quia est radius congruens cum norma mentis di-
vine aeterna & immota, quam Deus nequaquam vult immu-
tari.

II. Rerum principia firma esse debent & immota. Quid
enim mutabile est, contingens est, & proinde principium esse
non potest. Ergo & leges natura cum norma sint, minimè la-
xià sint oportet, sed μέγαν ἀδιάφωτον πᾶσης προοδίσιας καὶ ἀ-
φαιρέσεως μιδάμῳ ἐπιδιχόμενον.

III. Sicut in motu rerum naturalium omnis motus
oritur à primo aliquo movente immobili: & in discursu
rationes theoreticae cognitionis dependent à quodam
principio absolutè primo & immediato, in cujus eviden-
tia mens contemplantis acquiescit: Ita omninò par est,
ut & practicum nostrum judicium κατ'ἡγήσις nitatur ἀναμ-
φισβητήσις.

IV. Denique veritas legum naturalium ex contradi-
centium collatione & contrariorum affectuum compa-
ratione planissimè deprehendi potest. Si enim falsa est
hæc; *Honestas non sunt expetenda*: Vera erit ejus ἀντιπαρική;
honestas sunt expetenda. Si insuper honesta & justa naturam
conservant, & inhonesta & injusta eam destruunt: sequitur
honestas secundum naturam esse inhonesta contra naturam.
Ut igitur illa naturâ duce sunt expetenda; ita hæc ejusdem du-
ci sunt repudianda.

Questio V.

An igitur leges & jura naturalia simpliciter
sint immutabilia?

Questionem hanc in exercitationibus nostris Ethicis sat fuisse pertractavimus: hic strictim eam tangemus.

I. Naturalia jura, licet per se quidem & quoad genus universum sint immutabilia; tamen ratione singularium circumstantiarum possunt admittere aliquid mutationis. V.g. Jus natura jubet parentibus esse obtemperandum; & id semper verum est: nec unquam mutatur: in singulari tamen casu potest aliquid mutationis admittere: Veluti si parens jubeat filium agnitam veritatem abnegare; patriam prodere. In his enim non tenetur filius patri obedire, & tamen non mutatur jus illud natura, parentibus esse obtemperandum.

II. De Apostasia à jure naturæ tenendum. 1. Quòd sit pauculorum: Ita enim ea, quæ etiam totius speciei sunt, non raro quibusdam in singularibus deficiunt, ut videndi, audiendi, loquendi, generandi facultas. 2. Quòd sit eorum, qui sunt sceleratissimi & proximi naturæ beluarum. 3. Quòd sint gradus principiorum practicorum & conclusionum inde deductarum: & quod mutatio ista accadat non in principiis communibus, sed in conclusionibus inde deductis, quæ ad specialia descendunt & varijs implicantur circumstantiis. Quemadmodum enim in physicis gradus sunt, & corriguntur inferiores à superioribus, V.g. regulare est aquam fluere deorsum; sed tamen aliquando sursum tendit, ut vacuum excludat. Cedit ergò principium inferius superiori.

Inferius est: *grave tendit deorsum*. Superius est, *neccesse est, esse contigua mundi corpora*. Sic regulare est, *depositum esse reddendum*: sed si furiosus gladium reposit, superior lex regat deliberationem. *Neminem ladit*. 4. Quod sit non tam mentis, quam partis appetentis, *qua hac in corrupta natura rationem non modo deserit, sed & sapiens eam secum adversam rapit*. 5. Quod sit à natura hominis corrupta, à furoribus diabolorum, à consuetudine vitiosa: *que omnia ipsi naturæ vim asferre possunt*.

Quest. VI.

Unde in homine pugna ista rationis & appetitus?

Pugnam istam rationis & appetitus agnoscit Aristoteles lib. 1. Nicom. cap. 13. ubi ait, *appetitus recte rationi optima suadenti repugnare: adeoque esse veluti membrum paralyticum, quod cum horsum movetur, eorsum perperam distorquetur*. Cæterum Timplerus per hanc rationis & appetitus pugnam intelligendam censet contrarietatem illam naturæ sensitivæ & intellectivæ, quæ in uno eodemq; homine reperitur. Quatenus enim, *inquit*, homo est Animal, habet naturam sensitivam cum bestiis communem: Et sic naturaliter fertur ad bonum corporale & sensibile. Quatenus verò est Homo, habet naturam intellectivam: Et sic naturaliter fertur ad bonum sensuale & intelligibile, præsertim accedente bonâ institutione. Quando igitur homo instinctu naturæ intellectivæ cupit persequi bonum spirituale & intelligibile, quod suadet partim lex naturalis & divina, partim sapientia & prudentia: contra verò idem instinctu naturæ sensitivæ ad bonum corporale & sensibile amplectendum rapiatur, tunc oritur in u-

no eodemq; homine lucta quedam & pugna, & ex eâ ingens bene agendi difficultas, ita, ut ob contrarias duplicis naturæ inclinationes, utram sequi debeat, nesciat. *Hæc iste.*

Jam ulterius si quæras, undenam hæc appetitus & rationis pugna, & ista contrarietas naturæ sensitivæ & intellectivæ? è modernis nostris Jesuitis isthæc audies emblemata: 1. *Natura humana primitus condita morbum & languorem ex natura conditione oriri.* 2. *Ex materie conditione in homine in puris naturalibus considerato præcipitem ad vitia inclinationem oriri.* 3. *Sic hominem constare ex carne & spiritu, ut hinc ex contrariis propensionibus existat in uno homine pugna, & ex hac difficultas agendi, dum una propensio, alteram impediat.* Bellarmin. de grat. primi hominis cap. 5. 6. 7.

Nos ab hâc damnata Jesuitarum sententia jure meritoque abimus diverſi: statuimusque istam appetituunt aſtaziar primævæ hominis naturæ non naturalem fuisse. I. *Quia non tantum Scriptura testatur, Deum creasse hominem in imagine & similitudine suâ; sed etiam de creato homine disertè pronunciat: Viditq; Deus cuncta quæ fecerat, & ecce erant bona valde.* II. *Si pugna ista rationis & appetitus, tum præcepta ista ad vitia inclinatio ex natura à Deo condita conditione oritur, utiq; hoc fiet, aut propter intentionem auctoris naturæ, Dei videlicet, aut contrâ. Si dixeris præter Dei intentionem hanc in homine existere, ipsi omnipotenti & soli sapienti Deo infirmitatem ascribes, ut, qui non inter materiam & formam, carnem & spiritum, optimum ordinem, conformitatem & rectitudinem efficere potuerit. Si ex Dei intentione: Quomodo, quæso, Deus excusabitur, ne sit causa peccati, auctor scilicet materiae & præceptis istius inclinationis ad vitia? III. Esauistica hac opinio fingit Adamum in puris naturalibus fuisse*

quâvis beluâ deteriore. Nam in bruto nulla est rebellio inferiorum virium adversus superiores, nulla in vitia præceptis inclinatio, qualem illi Adamo tribuunt.

Proinde pro solidiore quæstionis determinatione reissumma hucce aphorismis complectimur. I. Homo quidem constat ex partibus longè diversissimis, corpore & animo; sed tamen à summo epifice tam felici concordia colligatis, ut in statu integritatis, nulla hic lucta, nulla concertatio, nulla dissensio fuerit. II. Infernalis verò serpens in lapsu Adamitico hæc duas naturas, tam infelici discordia sic dissecuti, ut exinde, perpetua rationis & appetitus pugna in solidum dependeat. III. Bonum sensuale & intelligibile, licet in se quidem considerata, sint disparata: tamen respectu hominis ex spiritu rationali & corpore compositi, subordinata fuerunt. Cum enim ita conditus fuerit homo, ut inferior potentia perfectè pareret superiori, & superiori consequentiâ rectè prospiceret inferiori, nulla hic fuit in Adamo, etiam in puris naturalibus constituto, propensionum oppoziçis, sed perpetua & constans harmonia. IV. Proinde jam post lapsum in propensionibus animi & corporis diligenter distinguendum est naturale & ordinatum à præternaturali & inordinato. Neg. enim appetitus naturalis per se pugnáset cum rationali spiritu, qui certè non debuit, imò non potuit reluctari ordini creationis divinæ: & proinde quòd nunc in hac corruptâ natura hic appetitus sæpè pugnet cum appetitu rationali, id ex defectu nature, vitio originalis scdara & corrupta profluit.

Quæstio VII.

An eadem pugna rationis & appetitus, de quâ Philosophi: & lucta carnis, & hanc operatione sua aggredientis spiritus, de quâ Theologi?

Affirmativam quæstionis, tuetur Gualterus Donaldsonus Scotus, Professor Sedanensis in synopsi Phil. moral. 1. 3. c. 12. pag. 276. Dum ratio, inquit, quod rectum est in-

tuetur,

inest, illudq; appetitur persuadere conatur, cum labore tamen & molestia conjunctum appetitus contra in primis sequitur, quæ sensibus grata, & à molestia sunt maximè remota: quam cum turpitudine sint conjuncta, oritur pugna, in qua ratio appetitui sæpè succumbit, quam luctam inter carnem & spiritum vocant sacra litera, quam ad Roman. 7. describit Apostolus. Hæciste Donaldsonus. Et proximis hæc temporibus quispiam reperiri potuit, qui eodem loco habuit, quando Medea dicit; *video meliora &c.* & quando Apostolus dicit Rom. 7. *Video aliam legem rebellantem legi mentis meæ.*

Nos ab hæc sententia profiteamur alienissimos nos esse, & infinitum discrimen hæc prolixè agnoscimus. 1. Theologia enim nomine rebellantis carnis non tantum venit divinis & æternis, quæ ad omne malum pender: verum etiam ratio ipsa: ita ut ratio & spiritus in spiritualibus sibi non repugnent, sed socias quasi jungant manus & conjuratione factæ à oblectentur spiritui. Siquidem & ipsum τὸ πρῶτον τῆς σαρκὸς, inimicitia est adversus Deum: & πᾶν τὸ νόημα sic oblectatur Deo, ut nisi domitū & in obsequia Christi captivatum sapiat ea, quæ sunt Dei. 2. Cor. 10. 2. Modum istum, quo lucta hæc carnis & spiritus compescenda sit, sola doctrina Ecclesiæ inculcat: nempe Rom. 8. Si spiritu carnis opera mortificaveritis, vivetis. E contra gentiles isti Philosophi duntaxat luctam rationis & appetitus suis quidem Ethicis præceptis refrenare voluerunt: verum, quia nesciverunt avitam istam & innatam malitiam & vitia nobis naturâ inesse, ideoq; actum secundum virtutum tantisper inhibere; sed vitiosos motus cordis nequaquam reprimere potuerunt.

Quæstio IIX.

An eadem pax conscientiæ, de quâ Theologia docet: & conscientia honestè factorum, de quâ Philosophia Practica?

Tantum

Tantum sanè hic agnoscimus discriminis, quantum est inter spirituale & morale: inter ipsam sacrosanctam Theologiam & Philosophiam Practicam. Pax conscientie de qua Theologi, *pax ipsam cum Deo denotat, cum & Deus nobis ex summo iudice & hoste sit benignus ac placabilis pater*, Rom. 5. & Colos. 1. & nos vicissim tranquillo amicos, erga eum animo sumus, non timentes ac odio habentes eum, ne crudeliter nostram carnificem, sed spiritu Abba Pater clamantes: ac deniq; non amplius sentientes conscientiam accusantem & cortrepidans, non etiam pristinam potentiam ac Tyrannidem Satana ac Adams in nobis prepotentis. Quae pax nobis post justificationem contingit, dicente Paulo: *justificati fide pacem habemus*. Sic accipitur in Hymno angelorum: *Gloria in excelsis Deo, & in terra pax hominibus*. Et sic etiam intelligendum illud Pauli. *Sensus carnis mors est, sensus autem Spiritus vita & pax*. Conscientia rectè factorum, de qua Philosophi, est voluptas practica, quâ homo suaviter acquiescit in virtutum exercitio: & hac voluptas in sese completitur. 1. Conscientiam rectè & honestè factorum, ubi quis novit & certus est, sese honestè ac rectè vixisse ac fecisse. 2. Pacem ac tranquillitatem affectuum & voluntatis, cum nempe quis nullas pœnas in hac vita metuit; sed præmia potius honestè factorum sperat. 3. Comprehendit amorem virtutis & felicitatis: deniq; 4. letitiam & gaudium, de quo quis sibi gratulatur dicente factis inq; is suaviter acquiescit. Et hic subsistimus.

Is qui *Χρῆστος* est, quod contra nos eras, cruci suæ affixum proprio sanguine delevit, adjuvare nos dignetur suâ gratiâ, ut in Ecclesia militantis castris constituti, militemus bonam militiam, retinentes fidem & bonam conscientiam.

F I N I S.

